

Garapen Kontseiluaren mugak agerian gelditu dira Biltzar Nagusiaren eztabaidan

Pirinioen zeharkatzeko bi bide berri ireki beharko direla aipatu zuen prefetak


Garapen Kontseilua erabakitze gaitasunik ez duen proposamen eta segimendu batzordea dela azpimarratu zuen atzoko Biltzar Nagusian Jean Claude Hiriart presidentak, Lurralde Eskemako hainbat atal betegabe zeudela adierazi zitzaionean. Heldu diren hiru urteetarako norabideak finkatu zituzten.

Hur Gorostiaga / Baiona

HELDU diren hiru urteetarako orientabide nagusiak finkatu zituen atzo Garapen Kontseiluak biltzar nagusian. Pirinioen zeharkatzea, heziketa profesionala, kultur politiken koherentzia eta antolaketa, euskararen eta euskarazko iraskuntzaren garapena, etxebizitza iraunkor eta sasoin-kariaren arteko loturak, industri sailbideak, laborantza garapena, arrantzaren garapen ahalmenak, eta uraren ikerketa izanen dira aurtun Garapen Kontseiluak abiatuko dituen azterketa lanak. Paueko Kontseilu Nagusiak eta Bordeleko Eskualde Kontseiluak finantzak hitzeman eta Estatuak proiektuak diru laguntzak segurtaturik, egituraren hirugarren bitzitza abiaraziko dute.

1992-1995 urteen bitartean, Ipar Euskal Herriko egoera sozial, ekonomiko eta kulturala aztertzeari ekin zioten arlo bakoitzeko aditu eta hautetsiek. 1995-1997an, berriz, etorkizunari begira hartu beharreko orientabideak Lurralde Eskeman gauzatu zituzten. Une bereak, Kontseilu Nagusiak, Eskualde Kontseiluak eta Estatuak, Lurralde Eskemaren onarpena azaldu zuten. Egun berriz, Lurralde Eskeman eskas ageri ziren edo sortu diren behar berriei erantzuteko eginbeharra izanen du Garapen Kontseiluak.

Gisa horretan, «erabakitze gaitasunik ez, proposamenak,



Jean-Claude Hiriart Garapen Kontseiluko lehendakaria atzoko biltzarra hasi aurretik.

BOB EDMÉ

iritziak eta segimendua bakarrik egin dezakeen egitura dela azaldu zuen Jean Claude Hiriart president hautatu berriak. Izan ere, Erramun Bacheok (Euskal Kultur Erakundea) eta Michel Oronozek (Euskal Konfederazioa) Garapen Kontseiluak aho batez onartutako euskararen antolakuntza politikari buruz deus guti gauzatu dela leporatu zioten. Gisa bera, Victor Pachon ekologistak, garraioari buruz egindako hainbat galdera erantzunik gabe gelditu zirela erraterakoan. Berdin ere, Renaud Delizagarak «boterendun instituzio» bat galdengin zuenean.

Garapen Kontseiluak ez du botere erabakikorrik, ez eta izanen ere, Jean Jacques Lasserre Hautetsien Kontseiluko lehendakariak azaldu zuenez. Dominique Voynet Lurralde Antolakuntzako ministroa prestatzen ari den lege berriaren arabera, Frantzia lehen esperientzia izan den Gara-

pen Kontseiluaren antzeko egiturak sortzeko asmoa du Frantzia osoan. Hots, Garapen Kontseiluaren garapena Euskal Departamendu bati buruz ikusten zutenek, beren itxaropenetan gelditu beharko dutela, lege mugaturik agertuko baita. Gisa berean, Hizkuntz Kontseiluak oraindik prest ez izateak, egituraren mugak ere agerian utzi ditu. Hala ere, Bachocen arabera, heldu den irailerako Hizkuntz Kontseiluaren izaera eta funtzionamenduaren zehaztasunak prestatzen ari da Peio Claverie, Herriarte Kultur Sindikatuko kide gisa.

Pirinioa berriz zeharkatu • Pirinioen zeharkatzea heldu den urteetako gai garrantzitsua izanen da. Atzo entzun ahal izan ziren adierazpenen arabera, gaur egun ez dago dudarik bide berri bat irekiko dena. Baina zein?

Bouilhaguet prefetak azaldu

zuenez, gaur egun egunero 7.000 kamioi pasatzen dira Baionatik Oartzunerako autopistatik. Kopuru hori urtero %8 emendatzen da. Hamar urte barru «itota» egongo omen da, nahiz eta alde bakoitzean errepide bat gehiago egin (3x3). «Hirugarren edo laugarren bide bat ere ireki beharko dugu» zioen. Frantzia Maitia Izpurako Eskualde Kontseilariaren arabera, bi alternatiba ageri dira: lehena, Iruñeari buruz egiten litekeen autobidea, bestea trenbidez garraiatzea. «Baina Abiadura Handiko Trena eta garraioak trenbide beretik pasatzea posible ote da? Ez ote dugu azkenean AHTrendako bide berri bat ideki behar Hegoaldean pentsatu duten bezala?» egin zuen galde. Hots, biak, Abiadura Handiko Trenarendako bide berri bat eta Iruñerako autopista, prefetak aipu zituen hirugarren eta laugarren bidea ote diren gelditu zen galdegai. X

Presoen aldeko ekimenak egingo dira asteburuan

Hilak 18an Donostian egingo den manifestazioan parte hartzeko deialdia egin dute Batzordeek

Erredakzioa / Donostia

AMNISTIAREN Aldeko Batzordeek jakinarazi dutenez larunbat honetan, uztailaren 11a, Euskal presoen herriratzea eskatzeko mobilizazio ugari egingo dira Hego Euskal Herriko lau herrialdeetan. Gipuzkoari dagokionez, arratsaldeko seietan konzentrazio bat egingo da Donostiako Bakearen Usan. Ordu bete beranduago Tolosako Triangelutik manifestazio bat aterako da, eta zazpi t'erdietan mobilizazio bati ekingo diote Eibarreko Unzaga plazan.

Bizkaian mobilizazioen gunea

Lekeitio izango da; arratsaldeko zortziretan manifestazio bat Lekeitioko eskoletatik aterakoda. Zortziretan ere, konzentrazioak egingo dira Gasteizko Andra Mari eta Audioko Herriko Plazan.

Halaber, gaueko bederatzi t'erdietan Iruñeko autobus geltokitik beste manifestazio bat aterako da.

Hartaz, hilak 18an, larunbata, Donostian egingo den manifestaldi nazionalen parte hartzera deitu dute. Manifestazio honen lema «duintasunagaitik, eskubideagaitik eta gure herriaren etorkizunagaitik, Euskal Presoak Euskal Herrira, orain!» izango da.

Espetxe aldaketak • Daniel Dergi eta Frederic Haranburu lapurtarrak presondegi aldatu dituzte Frantziar Estatuan. Haranburu baionesa, epaitua eta kondenatua izan denez Arleseko zentralera eraman dute. Dergi, berriz, Fleury Merogisetik Osnyra eraman dute; hots Euskal Herriatik urrunago. Jose Luis Alvarez Santa Cristina ere La Santetik Saint Maureko zentralera eraman dute.

Laugarren espetxe aldaketa bat ere izan da, azken hau espainiar estatuan. Manu Gonzalez Rodriguez Audioko bizilaguna berriz ere Huelva-Ira eraman dute, Val-

demoron dilijentziak betetzeko eduki eta gero.

Bestalde, Tolosako Amnistia-aren Aldeko Komiteek Anjel Rekalde preso tolosarra Cacereseko espetxetik Langraitzera aldatu dutela jakinarazi dute. Rekaldek 17 urte eman ditu kartzelan, horietatik hamaika Caceresen.

Rekaldek iazko martxotik zigorraren hiru laurdenak beteak dituela salatu dute Komiteek, eta beraz baldintzapeko askatasunean egoteko eskubidea daukala azpimarratu dute. Honetaz gain egoera berdina bizi duten Tolosaldeko beste presoak ere gogoan izan zituzten. X

Urigoitia auzia
Auzitegi Gorenera
heldu da urte bete
eta gero
Barrionuevo
galdekatzeko

■ CESIDeko

dokumentu batek
frogak manipulatu
zituztela agertzen du

Efe / Madril

LUCIA URIGOITIA kasu 1987an Guardia Zibila izandako tiroketa batean kasua, Epaitegi Gorenera bideratuko duela jakinarazuten atzo iturri juridikoek. Epaiketari Jose Barrionuevo Barne ministrari oihak inportatu bezala deklaratu du.

Kasuaren epaileak duela urtebete erabaki zuen auziaren Epaitegi Gorenaren eskutik uztea, CESIDeko paper sailkatuen artean datu berritzaile argitara ematen zituen dokumentu bat aurkitu zenean.

Dokumentu honek, orduan zenbait egunkari argitaratutakoaren arabera, Donostiako komandoaren aurkako operazioaren nondik-norako azaltzen ditu, eta Barrionuevoren beraien jakitun zela aipatzen du.

Dokumentuak 1987an Guardia Zibileko agenteak ikerketaren dilijentziak bideratzen zituen Juan Piqueras magistratuaren etxean sartu eta frogak manipulatu omen zituzten gertaerak bertsio ofizialari egokitzeak -Urigoitia tiroketa batean hil zela alegia- eta ez oso gertutik buruan izan bat jaso eta gero, akusazio partikularra daraman Inigo Iruin abokatuak dioen bezala.

Luis Roldan Guardia Zibileko zuzendari oihak berri garaian Auzitegiaren aurreko baieztatu zuen Barrionuevoren Vera frogen manipulazioaren jakitun zirela eta beraien «operazio haren xehetasunak» Barrionuevoren komentatu zituela ere deklaratu zuen. X

Xabier Gimón
kargurik gabe aske
utzi dute

H.G. / Baiona

XABIER GIMÓN kargurik gabe libre utzi zuen atzo Baionako Polizia Judizialak, asteazkenean Angelun atxilotu eta bi egunez komisailearen atxiki ondoren. Polizi iturriaren arabera, bere alaba Mirentxu Gimón, martxoan Sevillan atxilotu zuten Juantxo Esnaola lagunaren izenarekin, aita lekuko gisa galdezkatu omen dute.

Mirentxu Gimón gaur egun Pariseko Fleury Merogisetik dute preso Laurence Levert epailearen aginduz, eta Juantxo Esnaola Madril ondoko Valdemoro, nahiz eta bata zela bestea, ez dituzten oraino epaitu. X